

南開大學圖書館 編

江曉敏 主編

南開大學圖書館藏

稀見清人別集叢刊

12

GUANGXI NORMAL UNIVERSITY PRESS
广西师范大学出版社



南開大學圖書館 編

江曉敏 主編

南開大學圖書館藏

稀見清人別集叢刊

12

GUANGXI NORMAL UNIVERSITY PRESS
廣西師範大學出版社

· 桂林 ·



目錄

素庵詩草 宋錫蘭

一

養泉齋詩集、心太平居詩鈔 汪彥博、汪彥國

三九

東里類稿附東里詩稿 涂瑞

二〇七

厚畬初稿 魯鴻

三六三

素庵詩草

宋錫蘭

素庵詩草

《素庵詩草》不分卷，宋錫蘭撰，乾隆三十年（乙酉，一七六五）校刊木活字本。版心寬十五點二厘米，高二十三點五厘米。

宋錫蘭，字德交，號素庵。浙江蕭山南鄉雁宕村人。生於順治元年（甲申，一六四四）正月二十八日，卒於康熙五十五年（丙申，一七一六）正月初九日，年七十三歲。父心一公，博學洽聞，值明季鼎革，恬於仕進，以儒爲業。錫蘭幼讀書，工詩，及方術諸書靡不畢覽。戊午（康熙十七年，一六七八），客閩中，永春令某延入幕，佐令平賊，以翼贊軍功，疏請錫蘭爲縣令，錫蘭以親老辭，功成却賞，人咸器之。後十七年客嶺表，於鄰邑平賊，再建奇功，爲鎮國將軍馬侯慕名延入幕中，錫蘭以布衣附侯，侯備加禮遇，命其子以父事之。初錫蘭從明季隱士王震澤學天文兵法，悉得其傳。助侯平大嵐山妖僧兵變，不枉侯之所重。錫蘭心性孝友，事親色養無忤。其秉心狷介，亦爲人所敬，當事大寮爭欲羅致幕下。錫

蘭於富貴處之泰然，數十年所積不過薄田以給饘粥而已。錫蘭游歷半天下，所至閩、秦、粵、黔、燕、蜀諸省，胸中有得，莫不見之紀游詩。錫蘭精星學，謂人曰：『吾歲行在申，當死。』因整裝歸里，後果逾年而逝。所著有《覺夢樓快選》及《詩集》數十卷藏於家。

此集不分卷，卷端題『蕭山宋錫蘭德交氏著，曾孫親名鑒茹氏、鳴軻肇域氏校字』。體裁多樣，內容豐富。卷前有阮耀、孔繼翔序，卷末王國浩撰傳。

錫蘭於學靡所不窺，而尤邃於詩。足迹幾遍天下，以仗劍從軍之暇，發爲詩歌，游屐所至，動成卷帙。其於時事之欣戚，花鳥之鮮妍，古迹之廢興，友朋之離合，咸有以寫其情而盡其致，而跌宕淋漓，縱橫自喜，要皆匠心獨出，舉人世難言之隱，一一達之於詩，此豈無得而然哉。（黃立新）

序

吾黨飄零湖海跌宕琴樽自矢焚舟屢遭按劍遂使風塵有債邱壑無緣故陸機入洛王粲從軍陳琳投幕此皆有道仁人不得志於時之所爲也然而處官舍則簿書俗我冒腸守鷄窻則佔畢困其意氣不有豪吟孰能遣寂我友德交宋社翁江左奇英越州名宿於學靡所不窺而尤邃於詩遊屐所至動成卷帙其於時事之欣戚花鳥之鮮妍古蹟之廢興友朋之離合咸有以寫其情而盡其致弟^耀下里阿蒙十年不遇徒令鄧禹笑人

序

四壁爲家未見鮑生知我去冬客遊桃著飲使君之醇醪會德交於邂逅未揖而道範先溫旣面而肝膈畢吐不棄龔鄙引爲同調迺出其素庵詩草示余捧覽數周踴躍莫止猶讀王子安之序我羨其年坐衛叔寶之旁自慚其穢且過金谷者無非異珍觀華林者悉爲佳卉其卽景抒情如張平子之言愁江文通之賦恨雖興趣不侔要之忠厚和平之則泮奭優游之休罔不相符而共貫者也方今薄海同文風會日上以德交萬言倚馬之才而其胸中武庫兼有大范老子數萬甲兵他日草

茅建策共佐治平爲知已交遊光寵又不僅以風雅稱能事幸毋忘桃源把臂時也

閩莆陽社教弟阮耀德人氏拜題於桃源琴署

手冊評註

七言律

序

昔黃庭堅書稽叔夜詩與姪榘云叔夜此詩豪壯清麗無一點塵俗氣余嘗三復斯言倍深擊節乙酉春予於友人案頭見手鈔成帙詢之乃宋德交先生詩也先生去今數十年矣而其清思逸興尙流露楮墨間意必有大過人者考其生平學富青緇足跡幾遍天下以仗劍從軍之暇發爲詩歌其感時傷事不知視王粲登樓少陵出塞爲何如而跌宕淋漓縱橫自喜要皆匠心獨出非點竄曹劉蘓李諸人可同日

序

語也昔人稱張燕公詩得江山之助而先生家在桃源山環水繞曠然有太古風卽或羈旅他鄉凡各山古跡可以登覽肆志者無不助其憑弔之懷有時細雨孤帆秋風正馬友朋投贈暢飲高歌舉人世難言之隱一一達之於詩此豈無得而然哉予與先生裔孫鑒茹肇域同筆硯知其好學能詩有以繩祖武而超然遠俗也是爲序

皆

乾隆乙酉首夏

後學孔繼翔抑齋氏拜撰

素庵詩草

蕭山宋錫蘭德交氏著

曾孫親名鑒茹氏校字

五言律

同傅濟生登亭山

絕嶺同登眺天風酒易醒練飛一水白黛抹萬峰青雲樹連鄉井烟波繞草亭回看石梁下樵斧斷山苓

題壁

幽居環竹樹掃榻臥羲皇晝靜雲生案更深月滿床遺編猶可讀南畝未曾荒古壁題詩罷閒情付一觴

素庵詩草

五言律

有懷

春風何寂寞三載客爲家鍵戶疎人跡敲詩避鳥譁醉鄉千日酒樂土一枝花欲寄幽情處虛窗待月華

懷沈若愚

舊約原非爽新秋我復愁懷人看北斗顧影滯南州驛路風塵黯蒹葭烟水浮故園千里外惆悵一登樓

重入閩中卽事

不盡溪山約閩南兩渡遊亂雲橫古道萬岫夾奔流夢入桑榆暮思深蟋蟀秋相看迷出處往返一虛舟

尤溪道中

乍入尤溪路荒林多暮鴉橋亭百十里煙火兩三家石
罅流新乳山容點落花不堪回望處風雨夕偏斜
漫說山行好山深更若何初疑人境絕轉覺洞天多小
徑披荆棘懸巖捫薜蘿洪荒殊未闢况是雨中過
層巒無盡處別有谷中天構木聊爲屋耕山漸作田鳥
聲蒼樹裡人跡白雲邊漫說桃源路逃秦自歲年
樞衣過大卦嶺上獨徘徊路盡山仍轉雲迷雨欲來巖
花當面落石鼠見人回更入幽深處烟嵐渾未開

素庵詩草

五言律

二

送張宜仲歸浙

我來正泛泛君去復匆匆官柳崇朝綠山桃隔歲紅行
辭百粵雨歸咏五湖風鼓棹春風裡關津興不同
天際歸舟遠離情滯一尊風塵吾白眼烟水爾黃昏出
處誰同調悲歡且莫論恐將飄泊意傳語到衡門

春興

春風若相識日過草堂陬花信因時至鄉書隔歲酬鬢
眉元自愛肝膽易人愁寄語園林主何須問遠遊

華陰廟

華峯通帝座古刹白雲邊俯壓西秦壯高連北斗懸碑
殘猶紀世樹老不知年咫尺通天路山靈閉暮煙

函谷關

老子乘青牛出此關

七國今誰在猶傳函谷關五千留道德百二壯河山荒
店鳴雞早征途獵騎閑仙踪何處覓翹首願追攀

平涼道中

策馬涇原去林空鳥不啼風沙昏白日氷雪滿青溪俗
尙馳鷹犬民生倦鼓鼙淒然一回首況在六盤西
道經鳳陽卽事

素庵詩草

五言律

三

風物殊方土遊情早自傷輪蹄支病骨粗糲實饑腸客
路日加遠鄉思夜正長平原渺無際秋色已蒼涼
里人南歸有感

送別憶南州浮雲渺未收山童惟有雪木落已非秋秦
嶺東西隔涇源日夜流故園人已返何忍獨淹留

偶成

天際極黃埃春光何處催葉浮杯底竹花落笛中梅客
夢隨風去鄉思爲月來雲山如未隔不惜馬虺虺

鎮原官舍畱別陸輔侯

同此涇南北無人撥嶺雲

陸在東予在北

筆床今始共塵袂我

先分海內難爲客天涯漫論文從來敦古道粉社幾如

君

過華陰縣

多少風塵路歸鞭過華州蛙聲傍水急鶯語隔林幽今
日知春暮何時釋旅愁奇峯看未足剛喜白雲收

出潼關

雄關俯中夏百二古今聞天險河山阨輿圖秦晉分南
州方厭武西土已同文幸際昇平日九泥何足云

素庵詩草

五言律

四

過廣信府

危灘幾千曲小艇下清漪水口山山峙雲根樹樹移微
茫瞻紫府

內有真入府

寂歷問茅茨薄暮投荒戍孤燈易客

思

宿賴關下

昔苦烽烟急今憐草木清高流雙澗合孤月半輪明地
擅金湯勝人傳鐵賴名南行亦留滯市舶未停征

飛來寺

屬清遠縣一云巫峽飛來一云舒州飛來始於蕭梁云

天際隱花宮參差古木中幽奇傳勝跡寂寞見真空飛

錫何年寺懸帆此日風登臨猶未愜俛首夕陽紅

佛山獨宿

萬里飄蓬日孤舟獨宿時不逢南道主無復故人知風
物漫相識烟波渺在茲空教腸自斷撫影月遲遲

蔡子孔彰端州惠問詩以答之

歲月新時易關山舊路長林疎鳩計拙花黯蝶魂傷筆
硯焚南國瓶罍誤北堂知君多肘後能有療愁方

望夫岡

輕舟隨處宿岡畔且提壺滿目皆遊子何人此望夫江

素庵詩草

五言律

五

聲流不返月色夜偏孤無限閨中意年年泣鷓鴣

清遠峽

天曠孤雲遠沙明一雁回幽心同月澹倦眼爲山開邱
壑元章畫風塵阮籍杯臥看雙峽裡蒼翠枕邊來

梧江卽事

驛路蠻煙重秋風客思清溪迴擊楫影谷應和篙聲無
地聞雞犬何人勸耨耕蒼梧猶在眼一瞬暮雲平

油炸關

在鎮遠府西最高而險

莽莽山無盡關門積翠來華風何代闢天險五丁開呼

吸通南極驅騶上台故園如可望不必再登臺

曉過蘆荻哨兼觀喜客泉

驛路雨兼風秋懷迥不同亂雲千嶺白殘葉半山紅鳥
道松陰外晨星蘆荻中何泉能喜客策蹇向幽叢

漏酌泉

又名百盈泉以一刻爲盈縮消長應漏人呼爲聖泉云

勺水渾難測盈虛日百回龍涎石罅出月窟草痕開消
長隨譙漏寒暄任劫灰可能通碧落呼吸雨雲來

登風臺

天意分三國人謀重六韜東風奪造化赤壁沸波濤臺

素庵詩草

五言律

六

古星芒迥江清劍氣高聲靈猶在耳誰復問孫曹

鄉思

不獨逢張翰蓴鱸發棹歌樂郊茅舍好勝地故鄉多白
藕秋初爽紅菱暮鮮醅何人無口腹莫待鬢毛皤

宿黃家營

策蹇泥途後飛帆渡北營雲收中野闊風細大河平齊
楚分天塹江淮合水聲趁起增百感况復動離情

偶感

疎疎曉客賢知非猶未然詩文忙裡債邱壑夢中緣自

苦心無逸多慚命有權早能懷曠達何必爲人憐

和慈水袁子京永夜不寐原韻

燕臺繁客思撫枕聽雞籌巷僻風迴柝更闌月上樓詩
情催逆旅鄉夢入邊愁轉輾何無寐春宵不可求

宿故關

歸義廳縣在新舊二處卽終軍棄橋處

莫問鹿誰獲關前多白雲黃虞千古邈燕晉一山分客
路迎秋色疎林映夕曛因思棄襦者年少只終軍

過綿上訪介子山

高隱思綿上新烟出古亭晉田千頃綠介岫片雲青地

素庵詩草

五言律

七

以名賢著花當寒食聲不遑頻借問聊自咏榛苓

過武侯祭風臺

春山橫赤嶼古廟冷蒼苔往事傳三國東風銷劫灰人
隨明月去帆逐大江來幾點漁燈火長疑傍此臺
留別平涼朱直方朱質楚尹溫甫予以憂歸

數載客涇原知交未易謾有心酬國士無術飯王孫風
木終天恨詩文何日論臨岐重執手不獨爲離羣

偶感

終日無聞見山城已夕陰栽蕉揮綠字采菊煮黃金秋

老浮雲薄庭荒蔓草深自慚何所事抱膝獨長吟

偶吟

不因歸路遠那識客途長花鳥春三月風沙天一方衛
門違素願馬首悞流光何意啼鵲蚤新紅上新棠

舟次南安阻雨

無端半夜雨分作兩天愁涼氣初侵袂灘聲獨撼舟
山雲碍眼入峽樹當頭薄暮雙城下停橈問酒樓

送白宜和尚還山

出世心何碍懷山意頗濃浮槎隨皓月卓錫傍高松閒

素庵詩草

五言律

八

灑花間墨行吟海上峯白雲無定跡去住任孤筇

古道交偏淡新詩興自濃春深池畔草花散嶺頭松好

景維三月安禪第幾峯虎溪如未遠來往一携筇

宿普陀後寺別庵上人山房

驚嶺暮雲平龍宮氣象清空明南海月澎湃晚潮聲訪

勝逢開士談經失後生靈巖剛信宿不覺萬緣輕

夜飲

乍霽開新爽林疎得氣先捲簾招月飲掃榻抱琴眠蟲

語依簷下鴻書入遠天秋風非故國勉強近尊前

贛州贈別劉相如二十韻

迢迢萍梗客邂逅水雲鄉鼓棹過彭蠡飛帆度豫樟西
江鱸正美南越桂逾香出處因時異交遊此日光占星
搖劍氣擎節罄壺觴津樹迎新眼山花伴夕陽饑炊舟
子饌野泊戍兵塘白苧秋初爽青藜夜未央真知偏異
地直道在文章論世磨霜刃談詩倒錦囊煙霞酒醉墨
風月起行裝北海依劉重東鄰比宋芳時相如自大梁
携小星歸同在
舟鄰名高徐孺榻才並謫仙狂聽犬心猶怯時武昌有
夏逆之變聞
雞舞未遑憂歡雖弗類寂寞暫相忘岐路人千里遙天

素庵詩草

五言排律

九

雁兩行升沉原不定聚散亦何常把臂乾坤小分襟歲

月長我行葭露白君至菊花黃有意憑雙鯉相期到五

羊劉子歸汀別於五
羊城再會故云

鎮海樓

樓制高出五層周覽八表羊城一鉅觀也同鄉張桐

君姜克猷諸君並有倡酬予至粵稍晚不獲接踵暢

遊聊述風土見聞之概用次百韻以紀天涯浪跡云

爾

雄甸聯旆越名區紀女牛風和通舜樂舜作樂
於南嶺地險拓

秦謀始皇開 巨浸三江滙炎氛五嶺度疆分南海郡置表

脈亘大羅浮邊徽龍蛇放仙靈窟宅幽安期生居白雲山世多仙真

貢毛臣島服占象附揚州窮髮提封奧輪心方物裒順

帆歸漆齒互市集鮫舟諸錢並通貢使 俗運將於變山川尚阻

修繇來多反側于此費綢繆絕域羈縻盡東隅戰伐休

小能從大役弱則為強囚事楚無疆智楚熊渠南伐句踐孫無疆無疆

楚平蠻王翦彪翦多智勇平服百粵 任囂殘碣在離平南橫浦地名

故關悠割據天長劃澄清水共瀏霸圖推趙尉峻業

軼錢鏐控制烟嵐靖梯航遠邇柔中原嗟逐鹿半壁幸

素庵詩草

五言排律

十

垂旒陸賈功非淺文皇量固優老臣輸惆悵率土進琪

球漢文使陸賈詔論南越佗稱臣 步隲城於漢隲始築城 禺山鑿自劉節度

鑿禺山以益廣 馬鞍王氣萃秦占王氣乃鑿馬鞍山 雁翅客廬道客廬常外處經

暑陳峴增修旌趙城 吞吐波濤壯喧闐闐稠五羊同轂壁百雉

倍諸侯內外雙城有五羊脚壁之瑞 形勢殊東顧金湯紆內憂虎門

迴蜺浪丹井煥狐邱安期有煉丹井 盟會王都麗香花澤國尤

飛檣衝雪巘擊轂織朱輜魚鑰宵雙鎖帷燈火萬簞白

雲迤北障孫黃隱白雲山 紫氣盡危樓亮祖規模卓明承嘉侯朱亮祖建

樓以韓雍修韓史 丹蘄周民生資砥柱地利協謨猷呼吸

依南極胸襟倚上游空明超八表飄渺入三洲奎翰亦

名烏能及憑虛亭名 曷足侔雕甍含曙旭畫棟納高秋皓

月平看近長霓極望收宣威奚用武鎮靜實蒙庥劍氣

隨虹落傍有玉虹亭 珠光帶寺流海珠寺在江心 包荒連百粵延攬

豁重眸薄霧開銀漢斜陽轉降婁波羅蜃市揭波羅江中蜃在

幻越秀舞衣越秀山有歌舞閣 鶴翥如歸洞鴻鸞不得累累鶴

嚴與鴻鸞嶺皆鶴翥如歸洞 七星真武山名 列九仞鳳凰遊盧候盧候與吳

戰處隱之交 垂雲黑文峯文筆峯 映日緞三千敦禮樂百萬擁

貌貅風教袁宏振六朝袁宏守南海振風教 食泉處默杯刺史吳隱之字處默

素庵詩草

五言排律

七

酌貪泉賦詩 柴桑常著績陶侃封柴桑侯常刺廣州 盧奐並持籌奐守南海市舶

奉古道成蒼狗閑情付白鷗十賢人已沒城中有賢堂 季世

疾難瘳文獻懷風度南嶺張九齡美風度 昌黎啓倡酬文公潮州振文教

望因邱山海經 重俗迨宋元偷襁褓心猶切俗皆襁褓 簪裾

分易投揮毫當不乏負耒豈無求農圃村村急征徭處

處愁上潮期再熟兩熟者為上潮 亢旱禱深湫蘭以八蠶出邑

蚕之蘭歲有八 鋤逢曲木棹飛蓬疎櫛沐徒跣力田疇婦女亦

烟水浮家者家居筏上 晨昏拍掌不妻閒頻綴網艇小

任隨颺蛋戶新編甲粵人世居水上以漁竿靜對謳採

蘋充夏稅集畧傲春蒐白苧時相授黃鑪夜復箋治安

應有象綬撫詎容諷谿洞豪為政俗以象荏苒暴是仇

多水語聞黎目亂黎目言法為土司觥獠獍猿猿捷交

倭燕雀啁鳥如移鳩舌石即點頑頭權吏巡方貴征商

逐末羞魚鹽全富庶機杼半貧窶塵夢勞奔馬生涯笑

拙鳩自然天壤利無盡閭閻留衛泌堪棲隱詩書載校

讐微才饒放逸錯處雜薰蕕叢桂經年馥芳蘭按季抽

葩經冬亦艷草至臘偏蘇四時皆花乍雨輕辭葛恒賜謝敞

裘濕淫蒸短榻瘴癘促枯骸參朮嗟無術無良醫板榔咏

素庵詩草

五言排律

七

好速以板榔風為摩玉露九月初柳酒宴紗幘紅女桑

麻手青鬟簫管管喉迎春爭撒荳以除疹子除夕競煎油以煎

堆油燥之類也剝鬼皮煨芋中秋煨芋驅魔餅作饌四月八日

魔候殊忘電霰嶺南無雪習異感筵篴勁節思鳴鳳浮榮笑

沐猴紛華趨若鷺時尚速于郵僭竊終何益驕奢慎莫

由亭臺郊外燼鴻鴈澤中咻竹冷壺觴寂榕陰豺虎蹂

仝離悲鼓樂棄置動戈矛劫盡烽初歇林空簾漫鈎野

田矜菽粟遺老泣松楸消長階前雨興亡眼底漚明犀

煩累譚干羽格遐陬碁布連荆楚絃歌繼魯鄒望洋扶

日馭觀海蹴天曉櫪下徒憐驥泥中孰問虬情慵王粲

賦句愧子安儔流水人安在他鄉命不猶徘徊千古意

俯仰一茶甌

八月二十四日赴茗溪時間變方機

遠別情何限獨行影自憐兵戈方滿目骨肉更遙天皆

醉非關酒長貧不為錢秋風一回首心結未成眠

胎亭韋齋先生館於鄭氏而生朱子處

兵燹荒城裏猶存賢者居靈鍾濂洛後道續魯鄒餘溪

月明文運尼山重御書胎亭垂不朽景仰復欷歔

素庵詩草

五言律補遺

七

登飛來寺內有半山亭

停橈登福地斜日半山迎蒼磴盤松頂春花吐石英剎

飛碑碣古鐘定水雲平偶憇高深處超然迥世情

初晴

二月春光麗雲山亦改觀况經輕雨後猶帶晚風寒津

樹和烟綠鶯花隔夜殘幽懷如可托不厭靜中看

偶題

幽處堪留榻紗窻待月開墻低青嶂入几靜白雲來風

雅存音道琴尊任不才但能驅俗累何必更天台

七言律

送傅隱居歸暨陽

莫嗟劍氣久沉淪，短髯依然墊角巾。
三徑歸來晉處士，一樽醉去葛天民。
浮雲軒冕知誰貴，落日衡門愛獨貧。
滿目風烟鄉國異，杜鵑啼徹浣江春。

野館秋風

時寓富春江澚有虎爪山

蕭蕭木葉捲黃埃，萬里長風江上來。
石鼓驚濤虬虎嘯，寒砧殘月老猿哀。
何人不起悲秋思，偏我猶慚作賦才。
一自虛窗吹永夜，客愁幾度夢驚回。

手月言

七言律

飛來峯

何年靈鷲忽飛來，怪石如經鬼斧裁。
峯削金蓮隨地湧，花籠寶蓋傍雲開。
呼猿洞裡春長在，放鶴亭前人未回。
清磬一聲趺坐久，松風寂寂冷蒼苔。

笛亭

漫將漢事問柯亭，何處清音入暮聽。
江澚梅花移夜月，關山楊柳落晨星。
空懷好韻餘塵市，畧識春風過畫屏。
留得漁郎無限意，悠然一曲在寒汀。

融光寺鐘聲

開元遺刹闡禪宗，斷續蒲牢入古松。
每逐雞聲催曙色，又隨鶴唳到雲峯。
夢回天籟驚蕉鹿，悟徹梵音制毒龍。
我亦塵勞思偃息，不堪猛省五更鐘。

謝橋秋色

謝家橋畔最宜秋，滿眼霜華映碧流。
楓樹夕陽千里雁，蘆花烟水一羣鷗。
薄雲淡靄魚鱗屋，遠浦輕翻舴艋舟。
何必更尋方外樂，園林到處有丹邱。

禹陵

越中十景

數載乘時淪九河，崩年還葬此崇阿。
四山風雨梅梁失，

手月言

一代衣冠窆石摩，古壁龍蛇蒼蘚合。
高陵松檜白雲多，漢唐也有閒宮寢。
幾處村醪酌薜蘿。

越王曄

清歌一曲遠溪行，倚徙雲中弔古曄。
荒徑蠻煙無戰馬，深山古寺有啼鶯。
大江東去分吳地，羣岫西來繞越城。
爲憶昔年肥遯客，五湖風月若爲情。

西施山

流水飛花出澗灣，薜蘿風韻重名山。
粧臺月落胭脂冷，舞榭雲歸翡翠閒。
眉黛空餘春岫蹙，淚光猶帶竹痕斑。

多情芳草年年綠不道佳人去未還

項王廟

荒祠遺碣枕山邱江水依然不斷流
海內昔時誰似楚關中今日亦非劉
八千子弟魂何在一曲虞兮恨未休
野老至今陳麥飯年年寒食杜鵑愁

蘭亭

邱壑常從勝事傳自經幽賞重名賢
青山有約如相待流水何心去復還
上巳春深脩禊日古人風邈永和年
空亭觴詠今誰續好鳥頻過弄管絃

手月評工

七言律

三

鑑湖

八百湖山望欲迷絲絲垂柳護長堤
雲橫春水征帆遠月澹秋江畫閣低
道上空懷賀監宅鏡中欲訪子猷谿
分明一幅龍眠畫款款漁歌野渡西

宋陵

萋萋芳草臥龍孫山鳥無聲下塲門
月隱悲笳銷古骨風騎殘角泣孤魂
經年寒食梨花白此日離宮禾黍昏
趙氏傷心無限事江流猶咽舊乾坤

雲門寺

福地偏宜草木幽白毫光裡現瓊樓
石床花氣三春雨古寺鐘聲萬籟秋
鳥倦早投殘照宿雲閒常逐老僧遊
何須強解西來意且倚懸巖看碧流

秦望山

誰削孤峯倚碧天蒼茫萬樹鬱晴煙
三山何物招秦始四海無人問魯連
石路紆迴經帝輦花香寂歷入僧禪
不須更挾秋風上料得滄桑幾變遷

曹娥祠

撒衣未竟復沉瓜七日長號逐水涯
父若有知驚覆卵

手月評工

七言律

三

兒寧飲恨賦懷沙殘碑蝕雨莓苔遍
古屋臨江風浪賒日落烟波雲樹黑
猶疑反哺泣慈鴉

夜坐

瀟瀟暮雨抱孤琴燭剪秋風對獨吟
五夜蛩聲鄉國夢三秋木葉客窗心
青燈已誤囊中穎白眼非慚枕畔金
不道空齋人未寢高梧冷露滴殘砧

次韻答餘姚黃雲遷

伏處空嗟筆未投何須借箸更前籌
揮毫漫次騷人後拭劍還思俠士疇
兩袖雲烟家四海一囊風月客三秋